



BOSNA I HERCEGOVINA

FEDERACIJA BOSNE I HERCEGOVINE

KANTON SREDIŠNJA BOSNA/SREDNJOBOSANSKI KANTON

MINISTARSTVO PROSTORNOG UREĐENJA, GRAĐENJA, ZAŠTITE
OKOLIŠA, POVRATKA I STAMBENIH POSLOVA

CENTAR ZA ŽIVOTNU SREDINU BANJA LUKA	
BROJ	354/15
DATUM	10. 9. 2014.

Broj: 03-23-193/15

Datum: 04.09.2015. godine

Ministarstvo prostornog uređenja, građenja, zaštite okoliša, povratka i stambenih poslova Srednjobosanskog kantona/Kantona Središnja Bosna sa sjedištem u Travniku na osnovu člana 14. stav 1. i 2. Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj 32/01) rješavajući po zahtjevu Centra za životnu sredinu iz Banja Luke, u postupku pristupa informacijama, d o n o s i :

R j e š e n j e

1. **Odobrava se** zahtjev za pristup informaciji Centra za životnu sredinu iz Banja Luke koji se odnosi na dostavu sljedeće dokumentacije: rješenja (odobrenje za građenje) broj 03-23-1/09 od 09.09.2011. godine, Ugovor između „EURO-POWER“ d.o.o. Tešanj i „Radava“ d.o.o. Fojnica, saglasnost Kantonalnog zavoda za urbanizam, prostorno planiranje i zaštitu kulturno-historijskog nasljeđa broj 01-23-79/07-01 od 12.07.2007. godine, rješenje-okolišna dozvola broj 03-23-12/07 od 10.09.2007. godine i rješenje kojim se obnavlja okolišna dozvola preduzeću Radava d.o.o Fojnica broj 06-23-19/15 od 10.03.2015. godine.
2. Kopija tražene dokumentacije iz tačke 1. ovog rješenja dostavlja se podnosiocu zahtjeva uz ovo rješenje.

O b r a z l o ž e n j e

Ovo Ministarstvo zaprimilo je zahtjev za pristup informacijama Centra za životnu sredinu iz Banja Luke, u kojem se traži da se dostave slijedeći dokumenti: rješenje (odobrenje za građenje) broj 03-23-1/09 od 09.09.2011. godine, ugovor između „EURO-POWER“ d.o.o. Tešanj i „Radava“ d.o.o. Fojnica, saglasnost Kantonalnog zavoda za urbanizam, prostorno planiranje i zaštitu kulturno-historijskog nasljeđa broj 01-23-79/07-01 od 12.07.2007. godine, rješenje-okolišna dozvola broj 03-23-12/07 od 10.09.2007. godine i rješenje kojim se obnavlja okolišna dozvola preduzeću Radava d.o.o. Fojnica broj 06-23-19/15 od 10.03.2015. godine.


Postupajući u skladu sa članom 14. stav 1. i 2. Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj 32/01) ovo Ministarstvo je utvrdilo da se može odobriti traženi pristup informacijama odnosno dostaviti tražena dokumentacija.

Zbog svega navedenog odlučeno je kao u dispozitivu rješenja.

Uputstvo o pravnom lijeku: Protiv ovog rješenja može se izjaviti žalba Vladi SBK/KSB (Komisiji za drugostepeno upravno rješavanje) u roku od 15 dana od dana dostavljanja ovog rješenja. Žalba se predaje organu koji je donio ovo rješenje neposredno ili putem pošte i taksira sa 10,00 KM administrativne takse Zakona o Kantonalnim administrativnim taksama („Službene novine SBK/KSB“, broj 11/03 i 1/04 i 5/12).


MINISTAR

Amer Mrako



Dostaviti:

- Centar za životnu sredinu, Cara Lazara 24, 78000 Banja Luka
- a/a



BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA/SREDNJOBOSANSKI KANTON
MINISTARSTVO PROSTORNOG UREĐENJA, OBNOVE I
POVRATKA

RJEŠENJE PRAYOSNAŽNOC

DANA 12.10.2011

Broj: 03-23-1/09

Datum: 09.9.2011.god.

Ministarstvo prostornog uređenja, obnove i povratka Srednjobosanskog kantona/Kantona Središnja Bosna, na osnovu članka 33. stavak 1. alineja 4. Zakona o gradnji (Sl. novine SBK/KSB, broj 11/05), članka 11. stavak 1. alineja 5. Zakona o kantonalnim ministarstvima i drugim tijelima kantonalne uprave Srednjobosanskog kantona/Kantona Središnja Bosna (Sl. novine SBK/KSB broj 8/03 i 14/03) i članka 200. Zakona o upravnom postupku (Sl. novine FBiH, broj 02/98 i 48/99), rješavajući po zahtjevu investitora «**RADAVA**» d.o.o. Fojnica, u postupku izdavanja odobrenja za gradnju male hidroelektrane «**Željeznica 4**» na prostoru vodotoka Željeznica u općini Kreševo, **d o n o s i:**

Rješenje

1. **Odobrava se investitoru «RADAVA» d.o.o. Fojnica da može pristupiti izvođenju radova na izgradnji objekata male hidroelektrane «Željeznica 4» instalirane snage 910kW, na vodotoku Željeznica, općina Kreševo. Objekti male hidroelektrane «Željeznica 4» su: objekt vodozahvata sa taložnicom na zemljištu označenom kao k.p.907, 904/1, tlačni cjevovod na zemljištu označenom kao k.p.br.907, 916, 310/1, 904/1, 875, 872 i objekt strojare na zemljištu označenom kao k.p.br. 872. Sve katastarske parcele su na teritoriji k.o.Deževica, općina Kreševo.**

2. Gradnja će se izvoditi prema tehničkoj dokumentaciji:

a) Glavnom projektu MHE Željeznica 4 koji se sastoji iz:

Knjiga 1.- OPŠTI DIO I PODLOGE

Knjiga 2. - Sveska 2.1 –Tirolski zahvat

-Sveska 2.2 –Tlačni cjevovod

- Sveska 2.3 –Strojara,

Dio glavnog projekta izrađen od strane projektnog poduzeća "SENDO" d.o.o. Goražde, aprila 2008.godine.

Knjiga 3- ELEKTROMAŠINSKA OPREMA, izrađena od strane projektnog poduzeća "INTRADE ENERGIJA" d.o.o. Sarajevo, aprila 2008.godine.

2)Knjiga 3.2- Elaborati- elaborat zaštite na radu i PP zaštite, elaborat o elektroinstalaciji male snage i rasvjeti, elaborat o uzemljenju i gromobranskoj zaštiti, elaborat o opremi

PPZ, vatrodojave i protuprovale, izrađeni od strane projektnog poduzeća "INTRADE ENERGIJA" d.o.o. Sarajevo, aprila 2008. godine.

Elaborat zaštite okoliša izrađen od strane „EXPORT“ d.o.o. Vitez.

3. Reviziju glavnog projekta izvršilo je poduzeće ZAVOD ZA VODOPRIVREDU d.d. Sarajevo.

4. Na predmetnom zemljištu izvršiti će se izgradnja slijedećih sadržaja:

1. **Vodozahvat – Tipa „Tirolski zahvat“** sastoji se od:

1.) betonskog praga (zahvatni dio sa rešetkom i sabirnim kanalom gabaritnih dimenzija 7x4,36m, širine sabirnog kanala 1,0m i nezahvatnog dijela - prelivnog praga dimenzija 8x4,36m uz koji je vezana riblja staza širine 0,9m i krilnih zidova (lijevi dužine 3,5m i desni dužine 9,17m),

2.) taložnice dimenzija 33,88x4,70m i preliva iz taložnice dimenzija 5,70+3,70m – lociran uz desnu obalu vodotoka Željeznica, na k.p.907 (potok Željeznica) i k.p.904/1 (šuma), k.o. Deževica, općina Kreševo.

2. **tlačni cjevovod**

Trasa tlačnog cjevovoda ide od vodozahvata presjeca k.p.br. 916 u naravi nekategorizirani put. Potom ide k.p. br.310/1 (šuma) desnom ivicom puta koji je uz desnu obalu vodotoka Željeznica. Cjevovod prelazi ispod puta k.p.br. 916 i preko potoka k.p.br.907 prelazi na lijevu ivicu puta u brdo na k.p. br.904/1 (šuma). Potom ponovo presjeca potok i put i ide desnom ivicom puta kroz k.p. br.310/1. Zatim ponovo presjeca put i potok i nastavlja lijevom ivicom puta kroz k.p. br.875. Ispod puta k.p.br. 916 prelazi do strojare koja je na k.p.br.872. Sve katastarske parcele pripadaju katastarskoj općini Deževica, općina Kreševo.

Ukupna dužina tlačnog cjevovoda je 2943,38m, izveden od GRP cijevi, promjera 800-1000 mm.

Prijelaz preko vodotoka uraditi po detalju priloženom u projektu. Dubina rova u koji se polaže cjevovod je 2,15-2,35 m – sa nadslojem od 0,9 m iznad tjemena cjevovoda. Širina rova u dnu iznosi 1,5 m. U osovini trase cjevovoda formira se servisni pojas ukupne širine od 3,0m. Širina pojasa, dubina iskopa, materijal nasipanja prema tipskom detalju ugradnje tlačnih cijevi priloga Glavni projekt- sveske 2.2. Tlačni cjevovod izrađen od poduzeća Senda d.o.o. Goražde.

3. **strojara**

sa pripadajućom strojarskom i elektro opremom – locirati uz lijevu obalu vodotoka Željeznica na dijelu k.p. 872, k. o. Deževica, općina Kreševo. Objekt treba graditi između puta i vodotoka tako da najbliža točka objekta mora biti udaljena 10 m od ruba puta a od vodotoka najmanje 1m. Gabarit objekta je 14,38x12m, objekat je prizemni, od Aa-b konstrukcije i ispuna od zidanih blokovima, dvovodnog krovišta. Prilaz objektu je sa lokalnog puta.

Glavni projekt je izrađen od poduzeća Senda d.o.o. Goražde i od strane projektnog poduzeća "INTRADE ENERGIJA" d.o.o. Sarajevo i revizija od poduzeće ZAVOD ZA VODOPRIVREDU d.d. Sarajevo.

5. Sve radove na izgradnji predmetnog objekta investitor treba izvesti točno prema navedenom glavnom projektu, ovjerenom od strane ovog Ministarstva.

6. Izvedeni radovi moraju biti u skladu sa važećim tehničkim propisima, tehničkim propisima, standardima i normativima, danim urbanističko-tehničkim uvjetima, uvjetima iz

Rješenja urbanističke suglasnosti Ministarstva prostornog uređenja, obnove i povratka broj 03-23-11/07 od 18.01.2008.godine, i Rješenje izmjena urbanističke suglasnosti Ministarstva prostornog uređenja, obnove i povratka broj 03-23-20/09 od 19.4.2011. godine, prema glavnom projektu i suglasnostima izdanim na tehničku dokumentaciju, pridržavajući se posebnih uvjeta suglasnosti i obaveza danih od strane odgovarajućih nadležnih organa i službi u postupku izdavanja odobrenja za gradnju.

7. Pri izvođenju radova pridržavati se svih mjera zaštite na radu, zaštite od požara i eksplozije i zaštite okoliša sadržanih u priloženoj tehničkoj dokumentaciji.

8. U slučaju da se tijekom građenja nađe na ostatke kulturno povijesnog naslijeđa, izvođač je dužan obustaviti radove i o nalazu bez odlaganja izvijestiti Kantonalni zavod za urbanizam i zaštitu kulturno povijesnog naslijeđa Bugojno.

9. Investitor može pristupiti izvođenju radova tek kada ovo rješenje postane pravomoćno, što će se potvrditi odgovarajućom klauzulom.

10. Investitor je dužan dan otpočinjanja radova prijaviti ovom Ministarstvu najkasnije osam dana prije izvođenja radova.

11. Prije početka izgradnje objekata izvršit će se iskolčenje na osnovu projekta za izvođenje. Iskolčenje će izvršiti izvođač radova uz nazočnost predstavnika organa uprave nadležan za poslove urbanizma, gradnje i katastra u prisustvu investitora i o čemu će se sačiniti zapisnik čiji se jedan primjerak dostavlja nadležnoj urbanističko-građevinskoj inspekciji.

12. Investitor je dužan osigurati stalni nadzor nad gradnjom objekata koji će povjeriti osobama registriranim za obavljanje tih djelatnosti.

13. Investitor i izvođač radova dužni su se pridržavati i ostalih obaveza koje proizlaze iz Zakona o prostornom uređenju KSB/SBK i Zakona o građenju KSB/SBK ("Sl. novine KSB/SBK" br. 11/05).

14. Izgrađena građevina smije se početi uporabljivati odnosno staviti u pogon nakon što tijelo uprave mjerodavno za poslove graditeljstva izda uporabnu dozvolu.

Ovo odobrenje prestaje važiti ukoliko se u roku od dvije godine od pravomoćnosti ovog rješenja ne otpočne sa izvođenjem radova.

O b r a z l o ž e n j e

Investitor «RADAVA» d.o.o. Fojnica sa sjedištem u Fojnici, obratio se ovom Ministarstvu 05.01.2009. godine sa zahtjevom za izdavanje odobrenja za građenje MHE «ŽELJEZNICA 4 » instalirane snage 910 kW, moguće godišnje proizvodnje 5,679 GWh, na prostoru vodotoka Željeznica, općina Kreševo.

Uz zahtjev od 05.01.2009. godine i dopune zahtjeva od 19.01.2009. godine, 10.03.2009. godine, 04.05.2009. godine, 29.06.2009. godine, 02.09.2009. godine, 20.06.2011. godine, 12.08.2011. godine 17.08.2011. godine, 02.09.2011. godine dostavljena je slijedeća dokumentacija:

- Rješenje urbanistička saglasnost Ministarstva prostornog uređenja, obnove i povratka broj 03-23-11/07 od 18.01.2008. godine.

- Rješenje izmjena urbanističke saglasnosti Ministarstva prostornog uređenja, obnove i povratka broj 03-23-20/09 od 19.04.2011. godine.

- Ugovor o koncesiji za projektovanje, izgradnju, korištenje i prenos male hidroelektrane «Željeznica 4» od 08.12.2006. godine, aneks 1 ugovora od 12.01.2009. godine zaključen između ugovorenih strana : koncesora- Ministarstvo šumarstva, poljoprivrede i vodoprivrede SBK koga zastupa ministar g-din Semin Ždralović i koncesionara «RAĐAVA» d.o.o. Fojnica iz Fojnice koga zastupa direktor g-din Behaija Kurta, aneks 3 ugovora od 29.06.2011. godine zaključen između ugovorenih strana : koncesora- Ministarstvo šumarstva, poljoprivrede i vodoprivrede SBK koga zastupa ministar g-din Anto Karatović i koncesionara «RAĐAVA» d.o.o. Fojnica iz Fojnice koga zastupa direktor g-din Behaija Kurta.
- Rješenje (dozvoljava za krčenje šume) Federalnog ministarstva, poljoprivrede, vodoprivrede i šumarstva, broj UP-I-07-1-26-34/08 od 25.04.2008. godine i uplatnice kao dokaz da je investitor uplatio iznos od 11.818,05 KM na ime naknade za krčenje šuma, zaključak Federalnog ministarstva, poljoprivrede, vodoprivrede i šumarstva o ispravci rješenja broj UP-I-07-26-866/11.
- Saglasnost Ministarstva gospodarstva/Ministarstva privrede Travnik SBK/KSB na projektnu dokumentaciju(elektro) za gradnju MHE «Željeznica 4» općina Kreševo broj 04-17-84/09 od 01.01.2009. godine.
- Saglasnost na mjere zaštite od požara Ministarstva unutrašnjih poslova SBK broj 03/1-44-2-896/09 od 26.06.2009. godine.
- Rješenje- vodna saglasnost Ministarstva šumarstva, poljoprivrede i vodoprivrede SBK broj 05-25-304/11 od 06.9.2011. godine
- Rješenje –saglasnost za trajnu promjenu namjene poljoprivrednog zemljišta Ministarstva šumarstva, poljoprivrede i vodoprivrede SBK broj 04-24-36/08 od 25.08.2009. godine
- Rješenje –saglasnost za trajnu promjenu namjene poljoprivrednog zemljišta Ministarstva šumarstva, poljoprivrede i vodoprivrede SBK broj 04-24-90/07 od 24.07.2007. godine
- Kopija katastarskog plana, broj plana 6F15-18-19 od 05.12.2008. godine i od 02.09.2009.godine.
- Katastarsko knjižni izvadak broj 06-4-807/2009, broj 06-4-809/2009 i broj 06-4-808/2009
- Tri primjerka glavnog projekta izrađeni od poduzeća Senda d.o.o. Goražde i od strane projektnog poduzeća "INTRADE ENERGIJA" d.o.o. Sarajevo i revizija od poduzeće ZAVOD ZA VODOPRIVREDU d.d. Sarajevo.
- Rješenje o vodnoj saglasnosti Ministarstva šumarstva, poljoprivrede i vodoprivrede broj 05-25-394/10 od 07.10.2010. godine.
- Saglasnosti pribavljene u postupku izdavanja urbanističke saglasnosti: okolišno dopuštenje ovog Ministarstva broj: 03-23-12/07 od 10.09.2007. godine, Vodoprivredna saglasnost Ministarstva šumarstva, poljoprivrede i vodoprivrede SBK/KSB broj: 05-25-91/07 od 11.06.2007. godine, Rješenje-saglasnost za trajnu promjenu namjene poljoprivrednog zemljišta Ministarstva šumarstva, poljoprivrede i vodoprivrede SBK broj 04-24-90/07 od 24.07.2007. godine, suglasnost Kantonalnog zavoda za urbanizam, prostorno planiranje i zaštitu kulturno-povijesnog naslijeđa broj: 01-23-79/07-01 od 12.07.2007. godine, telecom saglasnost broj: 12.06-7/42/07 od 08.11.2007. godine, načelna komunalna saglasnost poduzeća «Komunalno» Kreševo broj 236/07. od 21.11.2007. godine, načelna komunalna saglasnost poduzeća «Šćona» Fojnica broj 970-1/07 od 23.11.2007. godine, izvod iz prostornog plana KSB/SBK broj: 02-23-100/07-1 od 01.10.2007. godine, prethodna elektroenergetska saglasnost broj 88 od 03.09.2007. godine, saglasnost ŠPD «SREDNJOBOSANSKE ŠUME» d.o.o. Donji Vakuf broj 01-5269/07 od 21.11.2007. godine

Pregledom dokumentacije dostavljene uz zahtjev i dopune zahtjeva ustanovljeno je da su ispunjeni uslovi za izdavanje odobrenja za građenje, te je u skladu sa članom 36, a u vezi s članom 18. 29. 42. i 46. Zakona o građenju («Sl. novine SBK/KSB», broj 11/05), odlučeno kao u dispozitivu rješenja.

Uputstvo o pravnom lijeku:

Protiv ovog rješenja može se izjaviti žalba Vladi SBK/KSB (Komisiji za drugostepeno upravno rješavanje) u roku od 15 dana od dana dostavljanja ovog rješenja. Žalba se predaje organu koji je donio ovo rješenje neposredno ili putem pošte i taksira sa 6,00 KM administrativne takse po tarifnom broju 3. tarifa administrativnih taksa Zakona o Kantonalnim administrativnim taksama («Sl. novine KSB/SBK» br. 11/03 i 1/04).



PO OVLAŠTENJU

MINISTAR

Šerif Zdravović dipl.ing.šum.

Dostaviti:

☉ Podnositelj zahtjeva «Radava» d.o.o. Fojnica

- Služba za civilnu zaštitu, urbanizam, imovinsko pravne poslove i katastar nekretnina općine Kreševo
- Kantonalno zavod za urbanizam, prostorno planiranje i zaštitu kulturno historijskog nasljeđa
- Kantonalna urbanističko-građevinska inspekcija
- a/a

UGOVOR

zaključen dana 17.04.2015. godine između sljedećih ugovornih strana:

1. Euro-Power d.o.o. Tešanj, Krndija bb, 74260 Tešanj, ID: 4218815460006, koju zastupa direktor Mujkanović Kemal (u daljem tekstu: Euro-Power d.o.o. Tešanj);

i

2. Radava d.o.o. Fojnica, Samostanska 9, 71270 Fojnica, PDV: 236087820007, koju zastupa direktor Behaija Kurta (u daljem tekstu: Radava d.o.o. Fojnica)

Član 1

Ugovorne strane su se sporazumjele da se sva prava i obaveze iz Ugovora o koncesiji za projektovanje, izgradnju, korištenje i prenos male hidroelektrane „Željeznica 4“ od 08.12.2006. godine broj ugovora kod Koncesora: 05-25-441/06-09, broj ugovora kod Koncesionara 06/07 sa pratećim Aneksima, prenesu sa Radava d.o.o. Fojnica na Euro-Power d.o.o. Tešanj.

Radava d.o.o. Fojnica je u potpunosti saglasno da se sve dozvole i saglasnosti vezano za izgradnju male hidroelektrane Željeznica 4 prenesu na društvo Euro-Power d.o.o. Tešanj, te će u tom kontekstu pružiti svu neophodnu pomoć novom Koncesionaru, Euro-power d.o.o. Tešanj.

Sve saglasnosti i dozvole, uključujući i dodijeljena prava na predmetnu koncesiju moraju biti važeće u momentu zaključenja ovog Ugovora.

Član 2.

Radava d.o.o. Fojnica će Vladi Srednjobosanskog kantona podnijeti zahtjev za prenos predmetne koncesije iz gore navedenog Ugovora o koncesiji, a u skladu sa članom 53. ovog Ugovora o koncesiji.

Član 3


Izmjene i dopune ovog ugovora su valjane samo ako su izvršene u pisanoj formi i kao takve sastavni dio ovog ugovora.

Izvodi iz Registara privrednih društava za ugovorne strane su sastavni dio ovog ugovora.

Ugovorne strane su saglasne da eventualne sporove proizašle iz ovog Ugovora rješavaju sporazumno, a ukoliko to ne bude moguće ugovaraju nadležnost stvarno nadležnog suda u Zenici.

Ovaj Ugovor je sačinjen u osam (8) istovjetnih primjeraka od kojih svaka strana zadržava po četiri (4) primjerka.


Za Euro-Power d.o.o. Tešanj
Kemal Mujkanović, Direktor


Za Radava d.o.o. Fojnica
Behaija Kurta, Direktor

342/07

Bosna i Hercegovina
Federacija Bosna i Hercegovina
Srednjobosanski kanton / Kanton Središnja Bosna



Bosnia and Herzegovina
Federation of Bosnia and Herzegovina
Central Bosnia Canton

Kantonalni zavod za urbanizam, prostorno planiranje i zaštitu kulturno – historijskog naslijeđa
Cantonal Institute for spatial planning, environment and heritage

Nugle II 12/a - 70230 BUGOJNO, tel/fax: 030 254-030; 030/260-342; 030/260-341
e-mail urbo@bih.net.ba

Broj: 01-23-79/07-01
Bugojno, 12.07.2007.godine

U vezi zahtjeva "**RADAVA**" d.o.o. Fojnica za saglasnost za izgradnju male hidroelektrane "**Željeznica 4**" na rijeci Željeznici na k.č. 310/1; 874; 875, k.o. Deževica u općini Kreševo, a na temelju člana 11. stav 6. i 9. i člana 51. stav 1. Zakona o zaštiti i korištenju kulturno – historijskog i prirodnog naslijeđa ("Sl.list SR BiH", br. 20/85, 12/87 i "Sl.list R BiH", br. 3/93 i 13/94), d a j e s e

S A G L A S N O S T

Za izgradnju male hidroelektrane "**Željeznica 4**" na rijeci Željeznici na k.č. 310/1; 874; 875, k.o. Deževica u općini Kreševo, pod sljedećim uslovima:

1. U slučaju da se tokom izvođenja radova nađe na nekretnine, pokretne stvari ili njihove ostatke, kao i dijelove prirode za koje se može pretpostaviti da imaju svojstvo dobra kulturno – historijskog ili prirodnog naslijeđa u smislu člana 53. citiranog Zakona, radove je potrebno obustaviti i obavijestiti ovaj Zavod.
2. Ova saglasnost se može koristiti za izdavanje urbanističke saglasnosti za izgradnju male hidroelektrane "**Željeznica 4**" na rijeci Željeznici općina Kreševo.

O b r a z l o ž e n j e

"**RADAVA**" d.o.o. iz Fojnice obratio se ovom Zavodu sa zahtjevom za davanje saglasnosti za izgradnju male hidroelektrane "**Željeznica 4**" na rijeci Željeznici općina Kreševo i priložio sljedeću dokumentaciju:

- Katastarski izvadak
- Ugovor o koncesiji
- Karta terena - skica postrojenja
- Izvod iz Idejnog rješenja MHE «Željeznica 4»
- Vodoprivrednu saglasnost

Komisija ovog Zavoda nakon pregleda dokumentacije i izlaska na lice mjesta konstatovala je da na lokaciji predviđenoj za izgradnju nema objekata kulturno-historijskog i prirodnog naslijeđa.

Iz naprijed navedenog daje se saglasnost kao u dispozitivu.

Taksa na saglasnost (mišljenje) iznosi 20,00 KM, po tarifnom broju 14. Zakona o administrativnim taksama Srednjobosanskog kantona.

POUKA O PRAVNOM LIJEKU: Protiv ove saglasnosti može se pokrenuti postupak preispitivanja i podnosi se Vladi SBK-a, putem ovog organa u roku od 30 dana od dana donošenja iste.



Direktor:

Aziz Čatić, dipl.ing. građ.




Broj:02-23-100/07-1
Datum: 1. 10. 2007god.

Izvod iz prostornog plana KSB/SBK

OPĆINA: Kreševo
INVESTITOR: „RADAVA“ d.o.o. Fojnica
OBJEKAT: mini hidroelektrana
„Željeznica 4“

Kat. Parcela br./ kat. općina:
k.č. 310/1, 874, 875,
k.o. Dezevice ;općina Kreševo

GRAFIČKI PRIKAZ LOKACIJE- / KARTA „ Namjena prostora“/



LEGENDA:

	Poljeprivredno zemljište		Predmetna lokacija
	Vodene površine		Sumsko zemljište
	Gradjevinsko zemljište		Zasticene pr.vrijednosti

The map shows a topographic representation of the area around M.E. Železnica 4. A railway line, indicated by a thick black line with cross-ticks, runs from the top left towards the center. A station, marked with a black circle, is labeled "strojara M.E. ŽELEZNICA 4". Below this, another black circle marks a "vodozahvat M.E. ŽELEZNICA 4" (water intake). The map includes contour lines, a grid, and various geographical features. A rectangular box is drawn on the right side of the map, enclosing a specific area of interest.

☒ Mini hidroelektrana
 _____ Vodotoci

Aziz Čatić dipl. ing. građ.



BOSNA I HERCEGOVINA

FEDERACIJA BOSNE I HERCEGOVINE

KANTON SREDIŠNJA BOSNA/SREDNJOBOSANSKI
KANTON

MINISTARSTVO PROSTORNOG UREĐENJA, OBNOVE I
POVRATKA

Broj:03-23-12/07

Travnik, 10.09.2007.god.

Ministarstvo prostornog uređenja, obnove i povratka, rješavajući po zahtjevu „Radava“ d.o.o. iz Fojnice, za izdavanje okolišnog dopuštenja za gradnju postrojenja MHE „Željeznica 4“ na rijeci Željeznici, na osnovu članka 34. i 38. Zakona o zaštiti okoliša („Sl. novine KSB/SBK“ br.04/05), članka 2. i 5. točka a) 2. Pravilnika o pogonima i postrojenjima koji se mogu izgraditi i pustiti u rad samo ako imaju okolišno dopuštenje (Sl. novine KSB/SBK br.05/06) i čl.200. Zakona o upravnom postupku (Sl. novine F BiH br.2/98) donosi

Rješenje

1. Izdaje se okolišno dopuštenje „RADAVA“ d.o.o. iz Fojnice (u daljem tekstu: operator) za izgradnju postrojenja MHE „Željeznica 4“ na rijeci Željeznici na zemljištu označenom sa k.č. br.310/1, 874, 875 k.o.Deževica općina Kreševo i k.č. 2724/1 k.o. Dusina općina Fojnica.

2. Dozvola se izdaje za postrojenje MHE čiji su osnovni parametri:

-srednji godišnji proticaj	0,460 m ³ /s
-biploški minimum	0,046 m ³ /s
-tlačni cjevovod-dužina/prečnik	3.232 m /0,700m
-kota gornje vode	1033,0 m.n.m.
-kota donje vode	853,0 m.n.m.
-neto pad	180,00 m

Adresa: Stanična 43, 72270 Travnik, centrala: ☎(030) 511215; 518509; Faks: 540-291; e-mail: tr_urb_1@bih.net.ba

-instalirani proticaj	0,600 m ³ /s
-tip turbine	Pelton
-broj agregata	2
-instalirana snaga	898,00 KW
-moguća godišnja proizvodnja	4,523 GWh

3. Operator je dužan u toku izgradnje, eksploatacije i nakon prestanka proizvodne funkcije MHE ispuniti slijedeće obveze zaštite okoliša tako da:

- ne ugrožava niti ometa zdravlje ljudi i ne predstavlja nesnosnu/pretjeranu smetnju, ljudima koji žive na području utjecaja postrojenja, ili okolišu, uslijed emisije supstanci, buke, mirisa, vibracija, topline od postrojenja ili saobraćaja;
- poduzme sve odgovarajuće preventivne mjere za sprječavanje zagađenja kako bi se onemogućilo značajnije zagađenje;
- izbjegne produkciju otpada, a ukoliko je ona neizbježna, njegove količine će svesti na najmanju moguću mjeru, reciklirati ga ili ukoliko to tehnički ili ekonomski nije izvodljivo, otpad zbrinjavati uz izbjegavanje ili smanjenje negativnog utjecaja na okoliš;
- efikasno koristi energetske i prirodne resurse;
- poduzme potrebne mjere za sprječavanje nesreća i ograniči njihove posljedice na ljude i okoliš;
- poduzme mjere da se nakon prestanka proizvodne funkcije MHE, izbjegne bilo kakav rizik zagađenja, a lokacije MHE vrati u zadovoljavajuće stanje tj. stanje u kojem će biti zadovoljeni standardi kvalitete okoliša koji su relevantni za lokaciju, a posebno oni koji se tiču zaštite zemljišta i voda
- u slučaju značajnijih promjena u radu MHE, obavijestiti Kantonalno ministarstvo nadležno za poslove zaštite okoliša (u daljnjem tekstu Ministarstvo).

4. Operator se obvezuje da radi prevencije nepovoljnih utjecaja na okoliš u periodu izgradnje MHE izvrši slijedeće:

- ispuni uvjete iz dozvola i suglasnosti koje su mu postavili drugi nadležni organi uprave, a odnose se na zaštitu okoliša i nisu u suprotnosti sa uvjetima iz ove dozvole;

- da se kod izvođenja radova usljed izgradnje cjevovoda osiguraju kosine i usjeci, tako da se spriječi klizanje i odron materijala u potok
- da ukoliko dođe do oštećenja lokalnih puteva i druge infrastrukture, investitor izvrši sanaciju istih
- da se u toku gradnje građevinski radovi izvode u periodu niskih vodostaja
- da se u toku eventualnih miniranja poduzmu mjere upozorenja, alarmiranja i zaštite radnika, prolaznika i divljači
- ukoliko cjevovod prelazi preko puta da se ukopa na tom mjestu ili na neki drugi način osigura nesmetan prolaz
- da se akumulirani nanosi u toku rada i remonta prikupljaju, selektiraju i adekvatno konačno odlažu u skladu sa propisima upravljanja otpadom
- cjevovod nesmiije ugrožavati eksploataciju šume
- da investitor jednom godišnje vrši poribljavanje u suradnji sa UGSR Fojnica radi očuvanja ribljeg fonda
- da se duž korita rijeke urade kaskade koje će se uklapati u prirodni ambijent, zbog postizanja dubine vode kako bi riba imala kontinuiranu hranu i zbog aeracije vode
- da se osigura biološki minimum ispod vodozahvata 46,0 l/s

5. Monitoring

- monitoring nivoa buke i prašine u toku izgradnje mini hidroelektrane nije potreban zbog relativno velike udaljenosti mjesta gradnje od naselja
- da se okoliš oko vodotoka vrati u prvobitno stanje najviše godinu od izgradnje elektrane
- da se utoku rada vrši kontinuirano mjerenje protoka vode ispod vodozahvata za ustanovljenje biološkog minimuma od 46,00 l/s.
- da se u toku rada mini hidroelektrane vrši redovni komponentni monitoring okoliša u skladu sa propisima

6. Okolišno dopuštenje se izdaje na period od 5 godina računajući od dana izdavanja ovog rješenja.

Nakon isteka ovog roka, Ministarstvo će izvršiti reviziju ovog rješenja, ali zadržava pravo i obvezu revizije dozvole i prije isteka ovog roka za slučajeve predviđene Zakonom.

Obrazloženje

Investitor "Radava" d.o.o. iz Fojnice, obratio se ovom ministarstvu zahtjevom za izdavanje okolišnog dopuštenja sukladno članku 36. Zakona o zaštiti okoliša (Sl. novine KSB /SBK br.04/05, u daljem tekstu: Zakon) za izgradnju postrojenja MHE „Željeznica 4“ na rijeci Željeznici.

Uz zahtjev je priložena sljedeća dokumentacija:

- idejni projekat MHE „Željeznica 4“
- ugovor o koncesiji sa Ministarstvom šumarstva, poljoprivrede i vodoprivrede KSB/SBK
- elaborat zaštite okoliša
- vodoprivredna suglasnost od Ministarstva šumarstva, poljoprivrede i vodoprivrede KSB/SBK
- suglasnost kantonalnog zavoda za urbanizam, prostorno planiranje i zaštitu kulturno historijskog naslijeđa
- prethodna elektroenergetska suglasnost
- izvod iz katastra općina Kreševo i općina Fojnica
- rješenje o suglasnosti zbog izgradnje MHE od Ministarstva šumarstva, poljoprivrede i vodoprivrede KSB/SBK

Zakazana je javna rasprava o namjeri izgradnje MHE "Željeznica 4" 04.09.2007.god.u 13,00 sati u sali mjesne zajednice Dusina općina Fojnica.

Obavijest o javnoj raspravi objavljena je u Dnevnom avazu 18.08.2007.god.

Javnu raspravu je organiziralo Ministarstvo zajedno sa investitorom "Radava"d.o.o. Fojnica.

Dokumentacija za MHE Željeznica 4 bila je dostupna u prostorijama firme "Radava" d.o.o. iz Fojnice i u Ministarstvu prostornog uređenja obnove i povratka Travnik.

Javnoj raspravi prisustvovali su predstavnici općine Fojnica, predstavnici općine Kreševo,ekološkog društva ,udruženja Triton,udruženja ribolovaca i mještani MZ Dusina. O toku javne rasprave vođen je zapisnik.

Mještani MZ Dusine dali su podršku projektu MHE "Željeznica 4" uz uvjet da učestvuje u obnovi infrastrukture.

Ekološko društvo i udruga Triton su u globalu protiv minihidrocentrala, ali ovoj daju zeleno svjetlo zbog toga što će struju koristiti kamenolom Radava i što će doći do povećanja uposlenosti, zbog toga što je van naseljenog područja i smatraju da je tu najmanji uticaj na okoliš.

Udruženje ribolovaca je protiv izgradnje minihidroelektrana i oni će tražiti nadoknadu štete za riblji fond.

Predstavnik općine Fojnica je podržao izgradnju minihidroelektrane.

Predstavnici općine Kreševo su takođe podržali izgradnju minihidroelektrane.

Razmotrivši zahtjev sa priloženom dokumentacijom, Ministarstvo je ocijenilo da je operator ispunio uvjete da mu se na temelju članka 38. Zakona o zaštiti okoliša (Sl. novine KSB/SBK br:04/05), čl.2. i čl. 5. točka a) 2. Pravilnika o pogonima i postrojenjima koji se mogu izgraditi i pustiti u rad samo ako imaju okolišno dopuštenje („Sl.novine KSB/SBK br.05/06) može izdati okolišno dopuštenje što se utvrđuje u točki 1. dispozitiva rješenja.

U točki 2. dispozitiva date su osnovne tehničke performanse MHE „Željeznica 4“

Točkom 3. dispozitiva riješeno je na temelju čl.33. Zakona gdje su jasno utvrđene osnovne obveze operatora za izgradnju i funkcioniranje pogona i postrojenja.

Točkom 4. dispozitiva odlučeno je, na temelju propisa, tehničkom dokumentacijom, preporučenih i predloženih mjera koje operator mora provesti u toku izgradnje i eksploatacije, radi smanjenja okolišnog opterećenja MHE.

U čl.34. st.8. zakona utvrđeno je, da nadležno Ministarstvo izdaje okolišnu dozvolu na period od 5 godina, a u čl.42. uvjeti ponovnog razmatranja i izmjene dozvole.

Na temelju izloženog, odlučeno je kao u dispozitivu rješenja.


Pouka o pravnom lijeku:

Protiv ovog rješenja nezadovoljna strana može izjaviti žalbu kod Federalnog ministarstva okoliša i turizma u Sarajevu u roku od 30 dana od prijema rješenja.

Podnositelj zahtjeva je sukladno Zakonu o federalnim upravnim pristojbama i tarifi federalnih upravnih pristojbi («Sl. novine F BiH» br.6/98, 8/00), tarifnom broju 55.stav 3. točka 4., izvršio uplatu u iznosu od 80,00KM na depozitni račun br:1299011001116234 kod Central profit banke Sarajevo, šifra općine 030, vrsta prihoda 721119.

Dostaviti:

- "Radava" d.o.o. Fojnica
- inspekciji zaštite okoliša
- dokumentacija



Ministar

Anita Lozančić prof.



BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA/SREDNJOBOSANSKI KANTON
MINISTARSTVO PROSTORNOG UREĐENJA, GRAĐENJA,
ZAŠTITE OKOLIŠA, POVRATKA I STAMBENIH POSLOVA

Broj: 06-23-19/15

Travnik, 10.03.2015god.

Kantonalno ministarstvo prostornog uređenja, građenja, zaštite okoliša, povratka i stambenih poslova, rješavajući po zahtjevu "RADAVA" d.o.o. iz Fojnice, za izdavanje okolišne dozvole za MHE "Željeznica 4" na rijeci Željeznici, na osnovu članka 34.i 38. Zakona o zaštiti okoliša („Sl.novine KSB/SBK“ br.04/05), članka 2. i 5. točka a) 2. Pravilnika o pogonima i postrojenjima koji se mogu izgraditi i pustiti u rad samo ako imaju okolišno dopuštenje (Sl.novine KSB/SBK br.05/06) i čl.200. Zakona o upravnom postupku (Sl. novine F BiH br.2/98) donosi

Rješenje

1. Izdaje se obnovljena okolišna dozvola poduzeću "RADAVA" d.o.o. iz Fojnice (u daljem tekstu: operator) za MHE "Željeznica 4" instalisane snage 910 kW, godišnje proizvodnje 5,697 GWh na rijeci Željeznici na zemljištu označenom sa k.p. br. 907,904/1 vodozahvat i k.p.br.872 strojara k.o. Deževica općina Kreševo.

2. Okolišna dozvola se izdaje operatoru "RADAVA" d.o.o. Fojnica za slijedeće pogone i postrojenje: vodozahvat, tlačni cjevovod i strojaru.

2.1. Vodozahvat

Rijeka Željeznica je planinski vodotok koji u toku godine ima neravnomjeran proticaj zbog otapanja snijega na okolnim planinama ili nakon intenzivnih kišnih padavina.

Vodozahvat MHE "Željeznica 4" nalazi se na 1033 m.n.m. Sastoji se od betonskog praga (zahvatni dio sa rešetkom i sabirnim kanalom dimenzija 7X4,36m, širine sabirnog kanala 1,0 m i nezahvatnog dijela-preljevog praga dimenzija 8X4,36m uz koji je vezana riblja staza širine 0,9m.

Taložnica dimenzija 33,88x4,70m i preliv iz taložnice dimenzija 5,70+3,70m su locirane uz desnu obalu vodotoka rijeke Željeznice.

2.2. Tlačni cjevovod

Dužina tlačnog cjevovoda je 2943 m. Promjer cijevi je 800-1000 mm. Trasa cjevovoda ide desnom obalom vodotoka rijeke Željeznice i u nekoliko navrata presjeca vodotok i lijevom stranom dolazi do strojare.

2.3. Strojara

Strojara sa pripadajućom strojarskom i elektro opremom je locirana na lijevoj obali vodotoka između puta i vodotoka. Objekt je prizemnog karaktera. Strojara MHE "Željeznica 4" se nalazi na 853 m.n.m. Prilaz strojari je sa lokalnog puta.

2.4. Osnovne sirovine i pomoćni materijali

Za proces rada i funkcioniranja MHE "Željeznice 4" koristi se pad rijeke (oko 180,00 m). Ova MHE sastoji se od vodozahvata, tlačnog cjevovoda i strojare. Zahvat u dnu s taložnicom lociran je na desnoj obali rijeke.

Za svoj rad MHE koristi određene količine vode rijeke Željeznice, koja godišnje proizvede 5,697 GWh.

U procesu redovnog funkcioniranja MHE "Željeznica 4" koriste se pomoćna sredstva koja su prikazana u sljedećoj tabeli. U ovom slučaju radi se o sredstvima za podmazivanje postrojenja i sredstvima koja omogućavaju njihov optimalan rad. Važno je napomenuti da transformatorsko ulje koje osigurava rad transformatora u svom sastavu nema PCB jedinjenja.

Red. br.	Naziv pomoćnog materijala	Lokacija	Količina u eksploataciji	Napomena
1.	Hidrauličko ulje	MHE Željeznica 4	60 l	Godišnje dopuniti 3-4 litra po sistemu, mijenja se komplet ukoliko izgubi osnovna svojstva, a kontrola je svake dvije godine.
2.	Transformatorsko ulje	MHE Željeznica 4	400 l	Godišnje dopuniti 3-5 litra po trafou, mijenjati komplet ukoliko izgubi osnovna svojstva, a kontrola kvaliteta je svake dvije godine.

3.	Masti za podmazivanje ležajeva	MHE Željeznica 4	4 kg	Dopunjava se svakih 40 dana, a mijenja se svake tri godine.
4.	Silikagel	MHE Željeznica 4	1-3 kg	Dopunjava se svakih 7-8 godina.

Svi navedeni pomoćni materijali nabavljaju se od poznatih proizvođača uz odgovarajuće deklaracije i ne skladište se na lokaciji MHE.

3. Investitor "RADA VA"d.o.o. Fojnica je dužan u toku izgradnje, eksploatacije i nakon prestanka proizvodne funkcije MHE ispuniti slijedeće obveze zaštite okoliša tako da:

- ne ugrožava niti ometa zdravlje ljudi i ne predstavlja nesnosnu/pretjeranu smetnju, ljudima koji žive na području utjecaja postrojenja, ili okolišu, uslijed emisije supstanci, buke, mirisa, vibracija, topline od postrojenja ili saobraćaja;
- poduzme sve odgovarajuće preventivne mjere za sprječavanje zagađenja kako bi se onemogućilo značajnije zagađenje;
- izbjegne produkciju otpada, a ukoliko je ona neizbježna, njegove količine će svesti na najmanju moguću mjeru, reciklirati ga ili ukoliko to tehnički ili ekonomski nije izvodljivo, otpad zbrinjavati uz izbjegavanje ili smanjenje negativnog utjecaja na okoliš;
- efikasno koristi energetske i prirodne resurse;
- poduzme potrebne mjere za sprječavanje nesreća i ograniči njihove posljedice na ljude i okoliš;
- poduzme mjere da se nakon prestanka proizvodne funkcije MHE, izbjegne bilo kakav rizik zagađenja, a lokacije MHE vrati u zadovoljavajuće stanje tj. stanje u kojem će biti zadovoljeni standardi kvalitete okoliša koji su relevantni za lokaciju, a posebno oni koji se tiču zaštite zemljišta i voda
- u slučaju značajnijih promjena u radu MHE, obavijestiti Kantonalno ministarstvo nadležno za poslove zaštite okoliša (u daljnjem tekstu Ministarstvo).

3.1. Mjere zaštite tla i vode

- da se građevinski radovi izvode u periodu niskih vodostaja
- da se kod izvođenja radova usljed izgradnje cjevovoda osiguraju kosine i usjeci, tako da se spriječi klizanje i odron materijala u potok

-ukoliko cjevovod prelazi preko puta da se ukopa na tom mjestu ili na neki drugi način osigura nesmetan prolaz

-da se akumulirani nanosi u toku rada i remonta prikupljaju, selektiraju i adekvatno konačno odlažu u skladu sa propisima upravljanja otpadom

-da se osigura ekološki prihvatljiv protok ispod vodozahvata

3.2. Mjere za upravljanje otpadom

-da se prema etapama izvođenja radova, pojedini iskopani materijali iskoriste a neiskorišteni evidentiraju i u skladu sa načelima upravljanja otpadom tretiraju

-da se akumulirani nanosi u toku rada i remonta minihidroelektrane, prikupljaju, selektiraju i odlažu u skladu sa Planom upravljanja otpadom

3.3. Mjere zaštite biljnog i životinjskog svijeta

-da se prilikom izgradnje minihidroelektrane štete nastale po biljni svijet nadoknade u skladu sa važećem zakonodavstvom

-ukoliko prilikom izgradnje i eksploatacije dođe do evidentne štete za riblji fond i druge akvatične organizme, investitor treba da izvrši nadoknadu u skladu sa važećim zakonodavstvom.

4. Monitoring

Monitoring plan treba osigurati praćenje i mjerenje ključnih karakteristika aktivnosti pogona i postrojenja koje mogu utjecati na okoliš

-monitoring nivoa buke i prašine u toku izgradnje mini hidroelektrane nije potreban zbog relativno velike udaljenosti mjesta gradnje od naselja

-da se utoku rada vrši kontinuirano mjerenje protoka vode ispod vodozahvata za ustanovljenje biološkog minimuma.

-da se u toku rada mini hidroelektrane vrši redovni komponentni monitoring okoliša u skladu sa propisima

5. Mjere planirane za monitoring

Monitoring plan treba osigurati praćenje i mjerenje ključnih karakteristika aktivnosti pogona i postrojenja koje mogu utjecati na okoliš, odnosno:

- Praćenje promjene stanja okoliša i utjecaja na živi svijet kako bi se ukazalo na smanjenja zagađenja,

- Da se lociraju i prate uzroci kako bi se mogle poduzimati korektivne i preventivne mjere,
- Da se može izvršiti vrjednovanje usuglašenosti s relevantnim zakonskim propisima

Osnova za monitoring plan je data u skladu sa Zakonom o zaštiti zraka (Sl.novine KSB/SBK br.11/00), Zakonom o zaštiti okoliša (Sl. novine KSB/SBK br. 04/05), Pravilnikom o dozvoljenim granicama intenziteta zvuka i šuma (Sl.list SR BiH 46/89), Zakona o vodama (Sl. novine FBiH 70/06), dopunama i izmjenama navedenih zakona, Zakon o šumama („Sl.novine FBiH, broj 20/02, 29/03, Zakona o slatkovodnom ribarstvu („Sl. novine FBiH, broj 64/04), Zakon o zaštiti od buke KSB/SBK („Sl. novine KSB/SBK“, broj 11/00).

Uzet će se u obzir provedbeni propisi koji su doneseni na osnovu donesenih zakona iz oblasti okoliša.

Monitoring MHE “Željeznica 4” vršiti prema slijedećem monitoring planu:

Vrsta monitoringa	Planirane aktivnosti i mjere	Rok
Monitoring protoka rijeke Željeznice	Instaliranje kontrolnog profila opremljenog vodomjernom letvom u cilju uspostavljanja Q-H krivulje za kontrolni profil čime će se omogućit stalna mjerenja protoka	Prilikom puštanja u rad
Monitoring praćenja padavina	Nastaviti sa kontinuiranim praćenjem količina padavina u širem području projekta	Kontinuirana aktivnost
Monitoring zbrinjavanja otpada	Primjena svih mjera iz Plana upravljanja otpadom	Stalan zadatak
Monitoring pri preventivnom održavanju, sanaciji i rekonstrukciji	Evidentiranje svih radova i primjena mjera iz Plana upravljanja otpadom, Plana upravljanja građevinskim otpadom, Plana organizacije izvođenja radova na održavanju, sanaciji ili rekonstrukciji građevinskih dijelova objekata	Stalan zadatak

Monotoring nad utjecajem rada MHE na biodiverzitet i ekološku ravnotežu ekosustava	Uvijek poštivati propisani ekološki prihvatljiv protok-biološki minimum. Osigurati potpunu prirodnost korita i priobalnog pojasa u čitavoj dužini zahvata. Osigurati kontinuirano poribljavanje cijelog toka rijeke Željeznice	Stalan zadatak
Monotoring nad utjecajem vode	Otklanjanje nanosa i krupnog materijala koji zapne u zaštitnoj rešetki MHE. Sva sredstva za održavanje tj. otpadna ulja prikupljena tokom remonta moraju biti zbrinuta na okolišno prihvatljiv način tj. predati pravnom subjektu ovlaštenom za te aktivnosti. Ispuštanje iz taložnice raditi uz vraćanje taložnog materijala nazad u vodotok Spriječiti nepoštivanje biološkog minimuma koji je određen za vodotok a time i ugrožavanje ekosistema unutar vodotoka	Stalan zadatak

5.1. Monitoring proizvodnje, nastanka otpada i emisija

U cilju optimalnog funkcioniranja rada postrojenja MHE "Željeznica 4" kao i adekvatne zaštite i očuvanja životne sredine u predmetnom području, neophodan je kontinuiran nadzor nad cjelokupnim projektom kroz realizaciju aktivnosti navedenih u narednoj tabeli.

Vrsta monitoringa	Cilj monitoringa	Planirane mjere
Monitoring protoka rijeke Željeznice	Osigurati ekološki prihvatljiv protok-biološki minimum vode u koritu rijeke Željeznice	Kontinuirani, automatski monitoring protoka rijeke Željeznice instaliranjem kontrolnog profila opremljenog vodomjernom letvom.
Monitoring praćenja padavina	Planiranje optimalne proizvodnje i osiguranje biološkog minimuma	Kontinuirano praćenje količine padavina u širem području projekta

Monitoring zbrinjavanja otpada	Provedba Plana upravljanja otpadom i ispunjenje zakonom definiranih obaveza	Dosljedna realizacija svih mjera iz Plana upravljanja otpadom
Monitoring pri preventivnom održavanju, sanaciji i rekonstrukciji	Sprečavanje narušavanja ekoloških parametara u zoni projekta	Evidentiranje svih radova i primjena mjera iz Plana upravljanja otpadom i Plana organizacije izvođenja radova na održavanju, sanaciji ili rekonstrukciji građevinskih dijelova objekata
Monitoring nad utjecajem rada MHE na biodiverzitet i ekološku ravnotežu ekosustava	Poštivati propisani ekološki prihvatljiv protok-biološki minimum. Osigurati potpunu prirodnost korita i priobalnog pojasa u čitavoj dužini zahvata. Osigurati kontinuirano poribljavanje rijeke Željeznice.	Nadzor nad sistemom za praćenje ekološki prihvatljivog protoka definiranog u Vodoprivrednoj dozvoli. Vršiti stalni nadzor nad koritom a naročito u toku preventivnog održavanja i rekonstrukcije. Redovno ispunjavati obveze iz Ugovora o naknadi štete načinjene ribljem fondu u slivu rijeke Željeznice
Vrsta monitoringa	Cilj monitoringa	Planirane mjere
Monitoring nad utjecajem na vode	Spriječiti narušavanje fizičkih karakteristika vode prilikom održavanja postrojenja i čišćenja taložnice. Spriječiti nepoštivanje biološkog minimuma koji je određen za vodotok, a time i ugrožavanje ekosistema unutar vodotoka.	Stalno uklanjanje nanosa i krupnog materijala koji se zadrži u zaštitnoj rešetki MHE. Sva sredstva za održavanje tj. otpadna ulja prikupljena tokom remonta moraju biti zbrinuta na okolišno prihvatljiv način, tj. predati pravnom subjektu ovlaštenom za te aktivnosti. Ispuštanje iz taložnice raditi uz

		razblažavanje i vraćanje taložnog materijala nazad u vodotok. Zaustaviti rad postrojenja u uvjetima niskog protoka koji ne osigurava ekološki prihvatljiv protok - biološki minimum
--	--	--

6. Izvještavanje

Investitor je dužan izvještavati Kantonalno ministarstvo prostornog uređenja, građenja, zaštite okoliša, povratka i stambenih poslova o prikupljenim podacima na način kako je to propisano Pravilnikom o registrima i zagađivačima ("Sl.novine F BiH" br.82/07).

Izvješća trebaju biti poslana najkasnije do 30.06. tekuće godine za prethodnu godinu.

-operator je u obavezi popunjavati i obrasce Registra o postrojenjima i zagađenjima. Aplikacija za instalaciju obrasca za popunjavanje podataka za Registar se nalazina web stranici <http://www.fmoit.gov.ba> pod nazivom "Imput modul za industrije -dostavljanje podataka za Registar o postrojenjima i zagađenjima (Sl. Novine F BiH br.82/07), kao i naputak za popunjavanje elektronskog obrasca. Popunjen elektronski obrazac dostaviti i na e-mail adresu: sbkpuop@bih.net.ba

7.Period važenja dozvole

Okolišna dozvola se izdaje na period od 5 godina računajući od dana pravomoćnosti ovog rješenja.

Obrazloženje

Dana 10.03.2015.god.pod br: 06-23-19/15 investitor "RADAVA" d.o.o. Fojnica, obratio se ovom ministarstvu zahtjevom za obnovom okolišne dozvole br.03-23-12/07 od 10.09.2007.god.

Uz zahtjev koji je urađen u skladu sa člankom 36. Zakona o zaštiti okoliša (Sl. novine KSB /SBK br.04/05) dostavili su:

-okolišnu dozvolu br.03-23-12/07 od 10.09.2007.god izdatu od ministarstva prostornog uređenja, građenja, zaštite okoliša, povratka i stambenih poslova KSB/SBK

-ugovor o koncesiji za MHE "Željeznica 4" od ministarstva poljoprivrede ,vodoprivrede i šumarstva KSB/SBK i anekse ugovora 1,2,3,4,5 br: 05-25-138/14 od 24.12.2014god.

-rješenje o vodnoj suglasnosti br.05-25-539/13 od 04.02.2015. god. izdata od Ministarstva šumarstva, poljoprivrede i vodoprivrede KSB/SBK

-plan upravljanja otpadom urađen od "EXPERT"d.o.o. Vitez

-odobrenje za građenje br: 03-23-59/13 od 17.10.2013.god. Od ministarstva prost. uređenja,građenja,zaštite okoliša,povratka i st.poslova.

Razmotrivši zahtjev i cjelokupnu dokumentaciju Ministarstvo je utvrdilo mjere i uvjete na način kako je to utvrđeno u dispozitivu rješenja.

Odredbom članka 33.Zakona o zaštiti okoliša propisane su mjere i uvjeti koje treba operator da ispuni tokom gradnje, rada i prestanka rada postrojenja,što je dato u točki 3, a koji se kao standardi moraju primjeniti prilikom izdavanja dozvole.

Pošto se radi o mini hidroelektrani, vodilo se računa o očuvanja tla, voda, adekvatnom upravljanju otpadom, zaštiti biljnog i životinjskog svijeta, mjera sigurnosti i predustrožnosti od incidentni situacija, monitoringu i izvještavanju.

Kako je ovo Kantonalno ministarstvo utvrdilo da MHE "Željeznica 4" svojim radom neće prouzrokovati negativne utjecaje na okoliš, na osnovu članka 38. Zakona o zaštiti okoliša (Sl.novine KSB/SBK br.04/05) odlučeno kao u dispozitivu ovog rješenja.

Protiv ovog rješenja nezadovoljna strana može izjaviti žalbu kod Federalnog ministarstva okoliša i turizma u Sarajevu u roku od 15 dana od prijema rješenja.

Žalba se podnosi u originalu ili ovjerenom prijepisu.

Podnositelj zahtjeva je sukladno Zakonu o federalnim upravnim pristojbama i tarifi federalnih upravnih pristojbi(«Sl.novine F BiH» br.6/98, 8/00), tarifnom broju 55.stav 3. točka 4.,izvršio uplatu u iznosu od 150,00 KM na depozitni račun br:1320102012536750 kod NLB BANKE Travnik šifra općine 030, vrsta prihoda 721119.

Dostaviti:

-"RADAVA" d.o.o. Fojnica

-inspekciji zaštite okoliša

-a/a

Ministar po ovlaštenju
Dr.sc.Sedžad Milanović